

Sebija Izetbegović
Zastupnica u Skupštini Kantona Sarajevo

Bosna i Hercegovina
Federacija Bosne i Hercegovine
Kanton Sarajevo
Skupština Kantona Sarajevo
n/r Kolegija Skupštine Kantona Sarajevo

Uputiti: Ministarstvu komunalne privrede, infrastrukture, prostornog uređenja, građenja i zaštite okoliša Kantona Sarajevo

PREDMET: INICIJATIVA

Poštovani,

Na osnovu člana 213. Poslovnika Skupštine Kantona Sarajevo, upućujem inicijativu Ministarstvu komunalne privrede, infrastrukture, prostornog uređenja, građenja i zaštite okoliša Kantona Sarajevo da se **pristupi izradi i donošenju Odluke o formiranju standarda čistoće javnih površina**, sa jasno definisanim parametrima, minimalnim uslovima, obavezama i mjerljivim pokazateljima kvaliteta održavanja javne higijene.

Predlaže se da navedena Odluka precizno utvrdi: minimalne standarde čistoće javnih površina, dinamiku i učestalost čišćenja, pranja i dezinfekcije, tehničke i organizacione zahtjeve za izvršioce usluga, mjerljive pokazatelje kvaliteta (kontrolne liste, inspeksijske kriterije, standarde higijene), obavezu redovnog izvještavanja i nadzora nad provođenjem mjera.

U izradu ovog dokumenta neophodno je uključiti **relevantne stručnjake iz oblasti javne higijene, javnog zdravstva, zaštite okoliša i hemijsko-tehnološke struke**, kako bi se utvrdile **ekološki prihvatljive i zdravstveno sigurne metode održavanja čistoće**, koje istovremeno zadovoljavaju savremene higijenske i sanitarne standarde.

Nažalost, realnost na terenu pokazuje da **Kanton Sarajevo nikada nije bio prljaviji i neuredniji**, te da je nivo javne higijene dostigao historijski minimum. Zapuštene javne površine, neadekvatno održavanje i nedostatak jasno definisanih standarda imaju direktne posljedice na zdravlje građana, ali i životinja, te predstavljaju ozbiljan rizik po javno zdravlje, okoliš i ukupnu sliku glavnog grada.

Očigledno je da bez precizno propisanih normi i mjerljivih kriterija, sistem održavanja čistoće ostaje prepušten improvizaciji i subjektivnoj procjeni, što dovodi do neujednačenog i nedovoljnog nivoa usluge.

Cijeneći značaj javne higijene kao temeljnog elementa kvaliteta života, smatram da je donošenje ove Odluke **od krucijalnog značaja**, te je istu potrebno usvojiti **prije početka proljetne sezone čišćenja**, uz obavezno planiranje i obezbjeđivanje budžetskih sredstava za njenu punu implementaciju.

Za realizaciju aktivnosti predlaže se da budu zadužena javna komunalna preduzeća: KJKP Rad d.o.o. Sarajevo i KJKP Park d.o.o. Sarajevo uz pojačan nadzor nadležnog ministarstva.

Smatram da je krajnje vrijeme da javna higijena u Kantonu Sarajevo postane pitanje **standarda i odgovornosti, a ne improvizacije i ad hoc rješenja**.

S poštovanjem,

Sebija

